

01 飛上天的數想

劉瑞發

細漢到今，我的頭殼內底定有一寡諭古的想法。毋過我毋是空喙哺舌，抑是瘡人厚言語，彼攏是我斟酌想過，有一日應當會當用科技來實現的夢想。其中，和鳥仔全款會當佇天頂飛，是我上大的向望。

我想欲發明一塊會當予我飛起去天頂的「輪枋」，後壁會當若噴射機全款噴出氣流，予我倚佇頂懸飛上天，按呢是毋是真奇咧？

若準予我發明這款「輪枋」，我想欲做的代誌就說不盡囉。代先我會浮佇天頂偷看現此時上衝、上紅的歌星所辦的演唱會。毋過，到時逐家的目睭定著會掠我金金看，袂閣看台頂的歌星表演囉。

繼落來，我欲來試看覓仔彼號和棉仔糖生做不止仔成的雲，食著是啥款滋味，凡勢閣愛紮一罐仔糖來調味，才袂無鹹無纖。

我想欲做的第三件代誌是飛起去月娘頂面，看是毋是正經有嫦娥俗兔仔佇遐。第四件代誌是欲飛去較倚日頭的外太空，遮爾遠專工一逝路去遐是為著啥？我想欲知影用日頭烘出來的牛排是啥滋味，恁可能咧笑我牛排猶未鼻芳著，就會予日頭烘甲臭火焦閣兼著火矣。嘿，恁想傷濟矣，

我才無遐懶，我會穿我發明的太空衫，保證袂失覺察。
繼落來，我會飛去南極，毋是欲去看待鵝搖尻川花，

我會飛甲懸懸懸，去看天頂的破空敢是愈來愈大空，抑是有改善矣。當然，欲去遐爾寒的所在，著愛會記得疊我彼領萬能的防寒防熱衫啦！

既然都去南極矣，彼北極哪會使共落勾。我來看覓仔是毋是像自然老師講的，因為地球愈來愈燒烙，遐的冰溶欲了矣。北極熊嘛愈來愈餒揣著食的，煞變甲消瘦落肉。落尾我欲共心情放予輕鬆，來好好仔欣賞，啥物是予人看著會袂曠曠目的「極光」！

聽著我的分享，毋知逐家是感覺蓋有創意，抑是會笑我烏白想，共我當做瘡的咧。不而過，這馬科技進步的速度一日千里，予人料想袂到。無的確閣免偌久，咱人就會當待佇輪枋頂懸，像鳥仔全款自由自在飛上天矣。